

滿漢大臣列傳

卷二十九

宗室書敬

阿林保

英善

岳璽

穆騰額

傅森

宗室書敬鑲紅旗滿洲人乾隆三十一年三月由宗人府効力筆帖式補七品筆帖式三十五年七月擢宗人府經歷三十九年正月擢宗人府副理事官四十二年授宗室佐領四十九年擢江西道監察御史五十六年擢禮科給事中五十八年遷戶科掌印給事中五十九年擢鴻臚寺少卿六十年遷光祿寺少卿嘉慶元年擢內閣學士兼禮部侍郎二年授鑲黃旗漢軍副都統三年正月擢盛京兵部侍郎八月擢吏部右侍郎授正藍旗滿洲副都統四年正月調兵部右侍郎五月授鑲白旗滿洲副都統七月署鑲黃旗蒙古副都統五年正月奉
上諭上年演放砲位曾派書敬等前往監驗乃伊等僅照向例於砲車上演放以致火葯鉛丸未能遠及百步因以砲位鏽澁不能適用奏請將神機神樞等砲交兵部查辦而兵部率行議

請改鑄經派成德等將砲位安放在地試演羣子遠及百步之外俱能中牌復軍丸裝葯點放亦能及遠是書敬等寔因拘泥不能如法遽請查辦殊屬冒昧着交部查議三月調吏部右侍郎七月擢左都御史授鑲紅旗漢軍副都統八月擢廣州將軍七年九月奏總督吉慶由惠州寄到文書因勦辦匪徒調取員弁當派曾經出師之協領全寧佐領官德防禦陳廷佐馬世寧等四員跟隨兵十八名起程奉

旨書敬等藉詞防守省城殊屬不曉事體著申飭仍著明白回奏十月奏東莞縣有博羅匪徒遽至土瓜墟等處調營官四員前往勦辦又奏永安縣餘匪肆掠卽帶兵前往勦捕

諭曰書敬等奏帶兵由惠州前赴軍營緣由一日限五百里馳奏復屬錯謬以無關緊要頻勞驛遞著嚴加申飭若吉慶業將餘匪蕩平則書敬卽將兵帶回倘逃匪仍未蕩除書敬已年邁而所帶駐防兵丁未經行陣亦係無用卽著帶兵回任十二月奉

旨書敬年老患病不勝廣州將軍之任著令來京另賞差使八

年正月卒於任所長子博慶額原任盛京工部侍郎次子博棟額現任右翼宗學副管

阿林保正白旗滿洲人舒穆祿氏乾隆三十一年考中筆帖式三十二年補吏部筆帖式四十四年補安徽鳳臺縣知縣旋調江蘇溧水震澤等縣四十八年陞松江府川沙同知四十九年兩江總督薩載保舉堪勝知府引

見五十二年補直隸河間府知府五十三年擢山東鹽運使五十五年署山東按察使五十八年

諭曰浙江鹽道一缺現已有旨改爲運使一切新立章程皆資委員經理所有浙江鹽運使員缺著阿林保調補五十九年因前署山東按察使任內失察曹縣盜案部議鑄級以道員用六十年授長蘆鹽運使嘉慶元年因商人范光震呈控總商欺隱窩價一案

命尙書張若渟侍郎成德前往查辦得

旨楊秉鉞以總商自議自認且所領引地又較三商獨優其爲倡意謀產無疑運使阿林保因何率據總商估值詳報若無受

其請託情弊豈有如此袒護著卽革職嗣經軍機大臣會同戶部訊明各商該運使等實無徇私袒庇等情其咎止於辦理不善奏入得

旨阿林保著加恩賞給主事在刑部行走四年七月授江西廣饒九南兵備道十一月擢江西按察使六年調江蘇按察使七年陞安徽布政使八年二月擢安徽巡撫先是安徽營制統歸江南管轄至是始

特命巡撫兼提督銜節制通省營伍十二月調補湖南巡撫十年奏勦辦永綏廳逆苗寨落擒獲首犯石崇四石貴銀

上優獎之又奏永綏七八九十等里繳出侵佔田地一萬畝並鳳凰乾州二廳亦陸續呈繳請責成苗弁分佃取租及將來邊防裁撤之後仍挑留苗兵卽將此項租糧支給口食歸入均田經久案內彙辦下部議行十一年五月擢閩省總督旋密參浙江提督李長庚因循怠玩

上以該督遠在閩省恐未確實令浙江巡撫清安泰將該督所參各款一一秉公詳查據實具奏旋據清安泰覆奏

諭曰阿林保前此密參李長庚因循怠玩種種貽誤請將伊革職治罪朕披覽該督所奏卽覺不愜阿林保到任不過旬日地方公事一切未辦海洋情形素未熟悉而於李長庚更從未謀面輒行連次參奏殊屬冒昧本日據清安泰覆奏李長庚帶領兵船經過海口並未回署又轉詢黃飛鵬何定江二人亦均稱李長庚實在奮勇等語是阿林保前此參奏全屬子虛著傳旨嚴行申飭十月

諭曰阿林保統轄兩省營伍此次僱備船隻添鑄礮位又搜洗芹角賊巢辦理均屬認真著加恩賞戴花翎十二年二月京察及期

諭曰阿林保雖補放總督未允但到閩後於海洋捕務能認真督辦使洋匪接濟斷絕勢極窮蹙洵屬勤勉著加恩交部議敘四月因前任江西臬司湖南巡撫任內積案煩多部議降調均得

旨改爲降三級留任十一月以失察匪船竄泊普陀自請議處諭以阿林保究係兼轄之員且現在閩省辦理防堵等事尙爲

認真著施恩改爲察議十四年六月殲除首逆蔡牽等奏入
諭曰阿林保年來於各海口巡防嚴密使一切火藥米石概行
杜絕不使稍有透漏該匪乃日形窮蹙立行殲滅辦理實屬認
眞著加恩交部從優議敘七月調兩江總督十一月卒於任
諭曰阿林保久膺外任才猷練達辦理地方事務極爲認真不
意遽爾溘逝殊爲軫恤所有任內降罰處分加恩悉予開復其
應得卹典著該部查例具奏尋

賜祭葬如例

予諡敬敏子瑞齡現任浙江同知瑞徵現任湖南知州瑞生現
任四川知府

英善滿洲鑲黃旗人薩哈爾察氏乾隆三十一年由親軍補侍
衛筆帖式累遷刑部員外四十三年陞郎中四十九年五月遷
陝西道監察御史八月授甘肅蘭州道以親老仍留御史任五
十年三月署鑲黃旗蒙古副都統十月擢直隸按察使五十
一年二月擢湖南布政使九月調江蘇布政使五十二年八月丁
母憂回旗九月署正白旗滿洲副都統十一月奉

上諭廣西布政使著英善署理俟服闋實授五十五年九月調四川布政使五十六年十月兼護四川總督事五十七年十一月以拏獲洪雅縣糾夥結盟逆犯得

旨嘉獎交部議敘五十八年三月擢貴州巡撫六十年正月調湖北巡撫時以留川會辦西藏軍需報銷均未之任嘉慶元年六月調廣東巡撫仍留川代辦總督事七月以拏匪徒劉俸祥等審辦擬定案遲緩

諭曰川省幅員遼闊五方雜處向多匪徒自應遇事嚴懲速辦劉俸祥等均係搶奪逞凶積匪猾賊何以積至四十五名始行分別發遣英善著傳旨申飭八月授刑部右侍郎八月達州亭子鋪教匪熊泳霞等聚衆滋事英善聞報卽日帶領標兵五百馳往勦捕並列狀

聞

上嘉之仍以所帶兵較少

命傳諭福寧觀成就近酌量情形與英善會商進勦嗣賊以官兵漸集屢被創分竄麻柳場屯聚英善於途次馳奏因請停調

成都駐防兵丁得

旨賞給大小荷包用示嘉獎十月朔英善馳抵達州遣兵分道擊捕敗賊甘草壩奪佔木城一座追至亭子鋪用火彈燔其房屋擒殺百餘名獲賊渠張居式時東鄉縣屬之豐城場天星橋太平縣屬之清石溪俱有賊屯聚搶掠英善慮兵力單弱仍飛咨副都統勒禮善將前次密備之駐防官兵派赴軍營以資調遣

諭曰英善前曾奏所帶兵勇足資勦捕請將滿兵停止今又飛咨檄調豈不耽延時日嗣後務宜留心斟酌不可再涉大意十二日英善督參將佟貴等追賊風洞口兩面夾擊生擒百餘名殲斃夥匪遂克復麻柳場

諭曰英善督率將弁分投勦賊雖殺賊無多而麻柳場業經克復所辦尙合機宜二十日賊撲太平卡復遣兵擊却之十一月偕勒禮善哈密辦事大臣佛柱分勦袁家石壩賊衆乘雪凍夾攻拆毀賊卡殺戮無算乘勝追擊並毀汪家山賊巢生擒賊首何三元尹和尚及餘匪九十餘名殲斃甚夥隨將堵擊得勝情

形入奏得

旨所辦尙好英善等惟當倍加奮勉迅速竣功既復與勒禮善擊賊柏樹場等處連戰殺賊千餘名生擒百餘名奪獲糧食器械無算賊走大東林英善派兵截擊賊折回竄匿橫山子茅坪一帶拔出難民千餘人派員安撫事

聞

賞戴花翎暨喜字玉搬指大小荷包賊之遁入橫山子也內設重卡外掘深濠負嶠固守英善派總兵袁國璜何元卿分路冒雨霧進攻搶據山梁連焚賊卡賊分五路來撲國璜等分投抵敵英善隨後策應復殲斃二三百名賊恃險死拒相持三日國璜元卿俱歿於陣英善仍督兵勇奮力衝擊賊始退隨以兵單賊衆請添兵助勦

諭曰英善奏攻克橫山子賊卡後賊匪失去巢穴蔽障分作五路前來攻撲總兵袁國璜何元卿致被戕害實爲可惡宜綿卽迅速赴達州調度一切宜綿未到之前英善等當倍加鎮定不必冒險深入祇須四面圍勦勿使馳竄嗣芳坪張家觀賊衆乘

大霧撲營英善督兵截擊賊遁歸所派遊擊謝開元亦攻克鞍子坪殺賊數百名其派往遷壩獅子山堵勦員弁亦均有斬獲奏入得

旨據英善奏到情形清石溪等五處及鞍子坪賊匪均經勦淨其張家觀一帶現已督兵趕緊兜勦看來英善等所辦尙能鎮定稍紓懸念十二月賊謀向普子嶺衝突英善派兵設伏令義首誘致匪衆敗之遂乘勝追至馬鞍山燬其卡竝擒獲教首徐添富以

聞

諭曰此次英善等奏攻克馬鞍山竝擒獲傳教之徐添富實屬可嘉著賞給喜字玉搬指搬指套金銀八寶以迓春祺而徵吉兆英善等當速將茅坪張家觀賊匪辦淨移師太平上緊勦捕以靖地方時賊以攻撲冉家壩營卡屢爲官兵擊退遂於茅坪一帶虛作聲勢另率大股潛奪姚家壩隘口逕攻東鄉縣治張家觀賊衆亦分四路助戰遂入東鄉縣佛柱陣亡事

聞奉

旨英善奏賊匪復犯東鄉官兵衆寡不敵致被搶佔並牒文武各員竟不成事體英善等此時兵力既不敷調撥惟當加意固守不得冒昧輕進致有損失二年三月賊擾貫子山村落派協領蘇勒芳阿設伏敗之復敗羅江口撲卡賊衆隨將周家河一帶道路疏通進擊磬市府賊却之二十四日匪衆四五百人分數路撲營英善派總兵艾如文等分投迎擊賊潰旋與勒禮善攻克張家觀賊巢追至大東林渡淹斃賊匪多名生擒一百餘人遂偕宜綿等收復東縣治復派總兵朱射斗敗賊目王三槐於南壩場三月偕明亮等分兵攻克冉家埡口奪據大團包要隘並派將弁冒雨夜渡清溪口搶據姚家坵要卡前後殲賊首夥千餘名復偕明亮宜綿等督率將弁攻克棋盤石賊卡進圍雞爪嶺冒險仰攻復奪其寨乘勝追至蝙蝠洞殲賊千數百名奏入均得

旨嘉獎四月明亮奏達州爲糧餉總彙運撥之所須得大員督率籌辦請令英善駐劄達州督催分運英善旋以安設臺站及撫卹難民事宜入陳得

旨允行五月奉

旨英善不必留駐達州卽赴甘肅代辦總督事務旋被

命仍以刑部侍郎兼攝藩篆並代辦總督事務閏六月抵甘肅接任九月帶兵赴漢中堵禦賊首王三槐等分擾通江巴州一帶英善由寧羌廣元前進迎頭截勦並派堵各隘口敗賊於圓壩場盤獲奸細訊悉賊蹤得

旨所辦尙妥務須實力籌辦以期軍需無缺帑不虛糜十一月賊匪張映祥等竄至白塔山時英善以代辦四川鄉闈監臨事駐省卽馳至順慶派兵防守並就近料理糧運四年正月調兵部侍郎旋奉

命赴西藏接辦駐藏大臣事務二月調吏部右侍郎仍駐藏辦事十二月西藏哲孟雄頭人稟乞撥還廓爾喀侵地英善據舊案駁飭並以事

聞

諭曰哲孟雄頭人因英善等均係接任之員將廓爾喀久經侵佔之地捏詞具稟希圖濛混斷還地方經英善等查明舊案明

白開導所辦甚是其所給哲孟雄檄文亦甚得體五年二月
諭曰敕匪滋事迄今四載有餘尙未蕩平朕心日深焦厯推其
蔓延之故總緣領兵大員及各督撫等未發天良既不能在本
省將賊勦滅任其奔逸而鄰省又不能實力堵禦縱賊入境以
致輾轉滋蔓荼毒生靈今當列其罪狀明白宣

聞得

旨英善已帶兵前至廣元則漢中一帶棧道自己寧謐稍慰厯
懷宜綿正迎頭堵截英善若緊躡賊蹤兩面夾擊自可一鼓成
擒時匪衆竄集川北謀窺保寧順慶英善由廣元馳至保寧防
禦遣兵援河州鎮總兵保興一路復於儀隴閬中各處偕總兵
富爾賽朱射斗等夾擊屢有斬獲十二月賊逼蒼溪縣英善帶
兵馳救分派設伏敗賊烽烟樓殲擒五六百名賊遁奏入得
諭嘉賞嗣於柏溪溝等處派兵搜捕復擒斬數百名訊得賊首
王廷詔商同竄掠情形
諭曰蒼溪閬中地方業經英善派兵搜勦淨盡務須扼要防守
勿使賊匪乘間闌入三年正月奉

上諭川省糧運不可無大員督辦著專交福寧英善悉心經理倘有遲延貽誤惟伊二人是問二月英善至達州分飭道員承勳石作瑞等辦運各路軍營糧餉並酌定供支章程得

諭俾知之如四川教匪其始不過王三槐徐添德二人在東鄉滋擾爲數無多彼時係英善勒禮善勦辦若卽能奮力攻擊原不難立時撲滅乃亦因循遲緩致賊匪四出勾結日聚日多辦理遲誤之罪亦無可辭英善著革去吏部侍郎加恩賞給四品頂戴仍在西藏辦事六年哲孟雄部落乘廓爾喀噶箕等構釁復欲乘間奪回侵地詭以與廓爾喀通好爲名稟請檄諭廓爾喀經英善等嚴切飭諭並將籌度檄諭情形入奏

上是之七年十二月授頭等侍衛八年十一月

上以英善等出差四年有餘

恩旨撤回九年七月擢刑部右侍郎正藍旗滿洲副都統十一月遷都察院左都御史正黃旗漢軍都統十一年四月以與福寧駐藏時於福寧挪借庫項未經阻止參劾交部嚴加議處五月奉

旨英善前在四川軍營於教匪滋事之初辦理不善姑予薄懲降爲四品頂戴派令赴藏嗣以其駐藏數年洊加陞擢用至左都御史正黃旗漢軍都統本係加恩棄瑕錄用仍伊自任臺長以來旅進旅退從未陳奏一事朕時常召見面加詢問伊於內外政治亦毫無建白茲查出伊前駐藏時於同官私挪庫項狗隱不舉英善係年老蒼猾不肯實心任事之人著照部議降三級調用並革去花翎十一月補授太常寺卿十四年二月卒岳璽赫舍哩氏鑲藍旗滿洲人乾隆三十一年由前鋒補驍騎校三十六年擢印務章京補公中佐領三十七年授副參領四十二年遷印務參領四十七年授貴州試用副將五十四年告病回旗五十六年病痊補二等侍衛五十七年授浙江台州協副將嘉慶元年擢署黃巖鎮總兵二年巡撫玉德疏言浙洋盜船行劫岳璽親督舟師乘間追捕直抵外洋殲擒無算並搜獲大陳山匪犯多名上嘉其奮勇出力賞戴花翎

命軍機處存記該員如果始終出力遇有總兵缺出卽行題陞尋值定海鎮總兵王凱不勝水師之任

諭曰岳璽前查拏洋盜督率舟師奮勇擒捕復經玉德派赴大陳山查辦一切於水師事務自尙諳習著卽加恩補授定海鎮總兵以示獎勵三年調黃巖鎮總兵五年經浙江巡撫阮元奏稱岳璽在洋搜捕土盜先後擒獲一百七十餘名下部議敘五月阮元復奏艇匪驟入浙境請赴台州督飭防剿

上命岳璽協同策應九月水澳鳳尾兩幫盜船在東柏洋面遊弋岳璽督率兵船乘夜開行駛至該處盜船五十餘隻放礮迎敵兵船占住上風鎗礮齊發盜匪俱落水四散漂流獲三十餘名並獲火藥礮械鎗刀無算六年蔡牽等盜船追劫商船自閩竄浙岳璽同定海鎮總兵李長庚温州鎮總兵胡振聲先後在洋截擊共獲盜陳寶等一百四十餘名起獲礮械甚多

上復嘉之復下部議行七年因病乞休致

諭允所請二十二年卒子關祖保現在興京理事通判

穆騰額陳佳氏滿洲鑲黃旗人乾隆三十一年由健銳營前鋒